

BOSNA I HERCEGOVINA  
FEDERACIJA BOSNE I HERCEGOVINE  
FEDERALNA UPRAVA ZA INSPEKCIJSKE POSLOVE



## **PREZENTACIJA REZULTATA RADA FEDERALNE UPRAVE ZA INSPEKCIJSKE POSLOVE ZA 2021. GODINU**


**- KONFERENCIJA ZA MEDIJE -**

*Godišnji izvještaj o radu FUZIP za 2021. godinu usvojen je na 301. sjednici Vlade Federacije Bosne i Hercegovine održanoj 3.2.2022. godine*

**Sarajevo, 10.2.2022. godine**

# 1. FEDERALNA UPRAVA ZA INSPEKCIJSKE POSLOVE - OPĆI PODACI

## 1.1. FINANSIJE



Budžetski zahtjev za 2022. godinu 8.999.578,00 KM

Odobreni budžet za 2022. godinu **U proceduri**

## 1.2. LJUDSKI RESURSI

<b>BROJ RADNIH MJESTA PREDVIĐENIH PRAVILNIKOM O UNUTRAŠNJOJ ORGANIZACIJI</b>	298 izvršilaca/223 inspektora		
<b>BROJ I STRUKTURA POPUNJENIH RADNIH MJESTA</b>	<b>Ukupno zaposlenih</b>	<b>164</b>	
	<b>Ukupno inspektora</b>	<b>127</b>	6 glavnih federalnih inspektora 121 federalni inspektor
	<b>Ukupno državnih službenika (opća uprava)</b>	<b>18</b>	6 rukovodećih 12 ostalih
	<b>Ukupno namještenika</b>	<b>19</b>	
<b>PROCENTUALNA POPUNJENOST RADNIH MJESTA</b>	55,03 %		
<b>BROJ I PROCENAT UPRAŽNJENIH RADNIH MJESTA</b>	134/ 44,97%		
<b>NACIONALNA STRUKTURA</b>	115 /70,12% Bošnjaka		
	42 / 25,6% Hrvata		
	6 / 3,65% ostalih		

U odnosu na važeći Pravilnik o unutrašnjoj organizaciji, nedostaje priličan broj izvršitelja, naročito federalnih inspektora, s obzirom da su budžetska sredstva limitirana na 174 zaposlenika.

## 1.3. USLOVI RADA I OPREMA

**USLOVI RADA:** nedovoljni smještajni kapaciteti (sjedište uprave, 4 ureda, 7 GP, 4 CI i 11 MC).

**OPREMA:** dostatna za realizaciju poslova Federalne uprave za inspekcijske poslove (vozila, IT hardveri, softveri itd.), s tim da je za unapređenje rada potrebno znavljanje.

## 2. REZULTATI RADA FUZIP U 2021. GODINI

### 2.1. PREGLED UKUPNIH REZUTATA INSPEKCIJSKIH NADZORA ZA 2021. GOD

<b>BROJ UKUPNO IZVRŠENIH INSPEKCIJSKIH NADZORA</b>	<b>148.923</b>
<b>UNUTRAŠNJA KONTROLA</b>	<b>10.624</b>
<b>BROJ SANITARNO-ZDRAVSTVENIH NADZORA NAD POŠTIVANJEM EPIDEMIOLOŠKIH MJERA (broj nadzora uključen u broj nadzora u unutrašnjoj kontroli)</b>	<b>2.346</b>
<b>PREKOGRANIČNA KONTROLA (GP/MC/CI)</b>	<b>138.299</b>
Broj sačinjenih zapisnika - unutrašnji nadzori	9.738
Broj prekršajnih postupaka koji podrazumijevaju izdavanje prekršajnog naloga	2.965
Broj izdatih rješenja o otklanjanju nedostataka	2.072
Broj rješenja o privremenoj zabrani rada	75/12 pečaćenja
<b>Broj podnesenih prijava o počinjenom krivičnom djelu</b>	<b>4</b>
Broj evidentiranih radnika „na crno“ (FUZIP+KUIP)	1.960
<b>UKUPNI FINANSIJSKI EFEKTI</b>	<b>16.593.571,31 KM</b>
Iznos po osnovu prekršajnih naloga	3.944.748,00 KM
Iznos naplaćenih taksi i naknada na GP/CI/MC	4.772.356,00 KM
Iznos utvrđenih naknada za zrak	5.560.501,30 KM
Iznos utvrđenih naknada za upravljanje ambalažnim otpadom	1.144.562,52 KM
Iznos utvrđenih naknada za elektroenergetski otpad	192.136,59 KM
Iznos utvrđenih naknada za ceste	20.400,00 KM
Iznos utvrđenih naknada za vode	951.638,90 KM
Iznos naplaćenih naknade tehničke inspekcije	7.228,00 KM
Vrijednost proizvoda privremeno stavljenih izvan prometa	672.283,00 KM
Broj prijavljenih radilišta	463
Broj uzetih uzoraka u unutrašnjoj kontroli /tržišni, veterinarski i poljoprivredni inspektorat/	141
Broj uzetih uzoraka u postupku monitoringa goriva, nafte i naftnih derivata	2.717
Broj uzetih uzoraka na GP/CI/MC	4.907
<b>Zabrane uvoza</b>	<b>12 pošiljki (47.904 kg, 127.485,70 KM)</b>
Broj izdatih fitocertifikata na graničnim prijelazima	2.965

## 2.2. PODRUČJA INTENZIVIRANIH INSPEKCIJSKIH NADZORA U 2021. GODINI - PRIORITETNI NADZORI I INCIDENTNE SITUACIJE

U vršenju zakonom utvrđene nadležnosti, Federalna uprava za inspekcijske poslove je i tokom 2021. godine prilagođavala svoje aktivnosti prema prioritetima djelovanja. Općenito, incidentne situacije, ugrožena stanja ljudskih života i zdravlja, pojava zarazne bolesti kod ljudi i životinja, kao i ostala vanredna stanja u postupanju federalnih inspekcija bile su apsolutni prioritet.


2021. godina također je zahtijevala vanredni angažman federalnih inspektora u unutrašnjoj kontroli po pitanju praćenja provođenja obavezujućih mjera shodno naredbama Kriznog štaba Federalnog ministarstva zdravstva (FMZ), a kao pomoć i podrška kantonalnim inspekcijama.

### 2.2.1. Prioritetno postupanje federalnih inspekcija

#### Zaštita zdravlja stanovništva


Kako bi se što efikasnije organizovao i proveo nadzor nad poštivanjem higijensko-epidemioloških mjera i naredbi Kriznog štaba Federalnog ministarstva zdravstva, Federalna uprava za inspekcijske poslove još od početka 2020. godine saraduje s drugim inspekcijskim organima u FBiH, s ciljem **intenziviranja i koordiniranja djelovanja kantonalnih, gradskih i općinskih inspekcija**, a u kontekstu pravovremenog i adekvatnog sistemskog odgovora svih nadležnih inspekcija na području Federacije BiH. U tom smislu, Federalna uprava za inspekcijske poslove je od početka epidemije u FBiH intenzivno i pravovremeno angažovana u smislu organizacije, koordinacije i provođenja higijensko-epidemioloških mjera, kao i kreiranja obrazaca, prikupljanja podataka i izvještavanja o poduzetim aktivnostima inspekcijskih organa.

Tokom 2021.godine, prema sublimiranim podacima federalne i kantonalnih inspekcija, inspekcijski organi na području FBiH izvršili su ukupno **29.664 inspekcijskih nadzora**, u okviru kojih je u slučajevima grubog kršenja obavezujućih mjera predviđeno izdavanje **1.447 prekršajnih naloga** u iznosu od **2.231.278,00KM**. Inspektori su subjektima nadzora kod kojih su ustanovljena manja odstupanja od propisanih mjera tokom 2021. godine izrekli upravne mjere u vidu **4.469 rješenja o otklanjanju nedostataka**. Također, doneseno je **87 rješenja o zabrani rada** fizičkim i pravnim licima, te **727 upozorenja** radi otklanjanja nedostataka na licu mjesta. Najveći broj sanitarnih nadzora tokom 2021. godine izvršili su inspektori Kantonalne uprave za inspekcijske poslove Kantona Sarajevo, Zeničko-dobojskog kantona i Kantona 10.



Sanitarni nadzori: Intenzitet i kontinuitet djelovanja inspekcijskih organa u FBiH tokom 2021. Godine

Od ukupnog broja inspeksijskih nadzora u ovoj oblasti, inspektori Federalne uprave za inspeksijske poslove su u prethodnoj godini izvršili **2.346 inspeksijska nadzora** u okviru kojih su utvrdili prekršaje koji podrazumijevaju izdavanje **226 prekršajnih naloga** u iznosu od **380.960,00 KM**, te izdali **289 rješenja o otklanjanju nedostataka**, **79 rješenja o zabrani rada fizičkim licima** i **727 upozorenja**.



**Učešće federalnih inspektora u kontroli provođenja higijensko-epidemioloških mjera na području FBiH tokom 2021. godine**

Priloženi evolutivni prikaz aktivnosti i rada svih inspeksijskih organa u FBiH, odnosno Federalne uprave za inspeksijske poslove na praćenju provođenja higijensko-epidemioloških mjera u unutrašnjoj kontroli, koje u svojstvu podrške nadležnim inspekcijama započinjemo nakon ukidanja stanja nesreće na području FBiH, odnosno krajem maja 2020. godine, služi praćenju konstante učešća federalnih inspektora u vršenju sanitarnih nadzora, te bilježi kontinuitet i konzistentnost ove Uprave usmjerenu na jačanje discipline subjekata nadzora na terenu, a iz koje je vidljivo da je intenzitet prilagođavan zahtjevima epidemiološke situacije i aktuelnim naredbama Kriznog štaba Federalnog ministarstva zdravstva.

Analizom ishoda izvršenih nadzora ističe se da je **fokus inspeksijskih organa na provođenju preventivnih i korektivnih mjera**, kroz koje postupajući inspektori subjektima nadzora primarno ostavljaju mogućnost otklanjanja uočenih nedostataka i usklađivanja poslovanja s propisanim mjerama. Do kršenja minimuma obavezujućih mjera najčešće dolazi u ugostiteljskim objektima, trgovinama, tržnim centrima, javnom prijevozu, ali i privrednim društvima s većim brojem zaposlenih, odnosno na mjestima okupljanja većeg broja ljudi.

#### **INSPEKCIJSKI NADZORI NAD POŠTIVANJEM EPIDEMIOLOŠKIH MJERA 2020.-21. KUIP+FUZIP**

##### **2020. godina**

**24.299 inspeksijskih nadzora,**  
**3.128 rješenja o otklanjanju nedostataka,**  
**1.178 prekršajnih naloga s finansijskim teretom od**  
**1.929.565,00 KM i**  
**21 mjera o zabrani rada.**

##### **2021. godina**

**29.664 inspeksijskih nadzora,**  
**4.469 rješenja o otklanjanju nedostataka,**  
**1.447 prekršajna naloga s finansijskim teretom od**  
**2.231.278,00 KM i**  
**87 mjera o zabrani rada**

##### **UKUPNO 2020. i 2021. godina**

**53.963 inspeksijska nadzora,**  
**7.597 rješenja o otklanjanju nedostataka,**  
**2.625 prekršajnih naloga s finansijskim teretom od**  
**4.160.843,00 KM i**  
**108 mjera o zabrani rada**

## 2.2.2. Prateći usmjereni inspekcijski nadzori - kontrola cijena

**Federalna uprava za inspekcijske poslove, uz kantonalne inspekcijske organe, od aprila 2021. godine** vrši usmjerene inspekcijske nadzore **nad formiranjem cijena i marži** u FBiH u skladu s *Odlukom Vlade FBiH o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode* i *Odlukom o propisivanju mjere neposredne kontrole cijena utvrđivanjem maksimalne visine marži za naftne derivate*, te o tome prikuplja podatke i dostavlja informaciju Federalnom ministarstvu trgovine.

Od početka vršenja pojačanih nadzora nad formiranjem cijena i marži u FBiH, federalni inspektori izvršili su ukupno **339 nadzora**, te izdali **100 prekršajnih naloga** u visini od **106.400,00 KM**.

U periodu od aprila do kraja decembra 2021. godine, prema podacima koje su dostavile kantonalne inspekcije, zajedno s interventnim nadzorima federalnih inspektora, na području Federacije BiH po pitanju nadzora nad primjenom mjera neposredne kontrole cijena izvršena su **1.982 inspekcijska nadzora** u kojim je evidentirano **510 nepravilnosti**, odnosno **313 prekršaja** i **197** manjih odstupanja za koja su subjektima nadzora izdate upravne mjere - rješenja o oklanjanju nedostataka. Uporedno posmatrano u odnosu na prethodnu godinu i zatečeno stanje na terenu u smislu zakonitosti postupanja, uglavnom se može konstatovati dostatna disciplina subjekata nadzora. Prosječan udio zabilježenih nepravilnosti na području FBiH je cca. 26%, odnosno kod manje od trećine kontrolisanih subjekata. U nekim od kantona se udio odstupanja od maksimalne visine marži kreće u rasponu od 35% do 53% (KS, BPK, HNK, K10, USK).

## **2.3. INCIDENTNE SITUACIJE/NADZORI U 2021. GODINI**

Poduzimane su neophodne i zakonom propisane upravne mjere u smislu otklanjanja nastalih incidentnih situacija te utvrđivanja odgovornosti i obaveza saniranja nastale štete, kao i pokrenuti postupci sankcionisanja odgovornih lica i subjekata, kako u domenu prekršajne, tako i krivične odgovornosti.

U Federalnom vodnom inspektoratu zaprimljene su tri (3) dojave o incidentima na rijekama Bosni, Usori i Neretvi, pri čemu su u dva slučaja počinioci nepoznati, a u jednom slučaju gdje je bio poznat, protiv počinitelja su poduzete upravne i kaznene mjere. Pravovremenim djelovanjem inspekcija uspješno je spriječeno zagađenje i pomor ribe na rijeci Neretvi.

U oblasti okoliša zabilježeni su incidenti u smislu prekoračenja ispuštanja štetnih emisija u zrak od strane registrovanih zagađivača. Federalni inspektori za zaštitu okoliša su svoje postupanje usmjerili prvenstveno na rješavanje situacija povremenih prekoračenja kod ispuštanja zagađenih gasova i čestica u atmosferu od strane subjekata koji su evidentirani kao najveći ekološki zagađivači u Federaciji BiH (Arcelor Mittal Zenica, Gikil Lukavac, Sisecam Soda Lukavac, Natron Hayat Maglaj, BSI Jajce). Pored navedenih subjekata, ekološka inspekcija je djelovala i kod drugih ekoloških zagađivača zraka, vode i tla (JP EP BIH-TE Tuzla, TE Kakanj, deponija Uborak Mostar i deponija Smiljevići Sarajevo, BFS Kreševo, Toplane Sarajevo i drugih).

Federalni građevinski inspektori su djelovali u okviru zaštićenih zona gradnje kulturno-historijskog naslijeđa odnosno zaštite nacionalnih spomenika.

U proizvodnom pogonu EP BiH-TE Kakanj, došlo je do vanredne situacije na **posudama pod pritiskom** koja je stavljena pod kontrolu djelovanjem nadležnog inspektora iz Federalnog rudarsko, termo i elektro-energetskog inspektorata.

Zbog pojave opasnosti i rudarskih nesreća, federalni rudarski inspektori izvršili su 4 uviđaja rudarskih nesreća u rudnicima Breza, Zenica i Đurđevik, od kojih su tri, nažalost, sa smrtnim ishodom, te jedan inspeksijski nadzor u rudniku Banovići zbog pojave požara.

#### **2.4. Redovni (zajednički i usmjereni inspeksijski nadzori)**

**Redovni inspeksijski nadzori**, uključujući i postupanje po predstavkama, obavljani su u okviru planiranih aktivnosti, odabrani na način da se omogući i realizuje što efikasnija kontrola nad sprovođenjem zakona, čiju provedbu nadziru inspektorati u svim subjektima Federacije BiH koji su predmet nadzora Uprave. Postupanje po predstavkama vršeno je u skladu s procjenom hitnosti za svaki pojedinačni slučaj, odnosno prema redoslijedu zaprimanja. Ukupno je realizovano **6.600 redovnih inspeksijskih nadzora i nadzora po predstavkama**.

#### **2.5. Rezime djelovanja inspektorata:**

##### **a) Federalni zdravstveni inspektorat i inspektorat za hranu**

Federalni zdravstveni, farmaceutski, inspektori za hranu i sanitarni inspektor za nadzor nad otrovima su u 2021. godini realizirali su ukupno **1.998 nadzora**, donijeli **342 rješenja** s upravnim mjerama, te izdali **166 prekršajnih naloga** u iznosu od **284.820,00 KM**.

Navedeni inspektorat je svoje djelovanje usmjerio prvenstveno na kontrole provođenja epidemioloških mjera, te nadzore nad otrovnim materijama kao i kontrole u pogledu zdravstvene ispravnosti hrane, pri čemu je kod dva proizvođača hrane naloženo uništenje, te je također po obavijesti EU RASFF izvršeno uništenje supstance koja nije zadovoljavala zakonom propisane kriterije, a tokom kontrole hrane u maloprodaji naloženo još uništenje značajne količine upakovanih prehrambenih proizvoda.

Prema zahtjevima proizvođača i veleprometnika lijekova, federalni farmaceutski inspektori vršili su inspeksijske nadzore u cilju adekvatnog zbrinjavanja i uništavanja farmaceutskog otpada od strane ovlaštenih firmi.

Federalni inspektor za nadzor nad otrovnim materijama zabranio je promet kod tri (3) subjekta koji nisu posjedovali validnu dokumentaciju, te za dva (2) subjekta u kojima je vršena prodaja dezinficijensa sa proteklim rokom upotrebe.

##### **b) Federalni rudarsko, termo i elektro-energetski inspektorat**

Inspektori Federalnog rudarsko, termo i elektro-energetskog inspektorata su u 2021. godini izvršili **916 redovnih inspeksijskih nadzora**, donijeli **541 rješenje** o otklanjanju nedostataka, te izdali **16 prekršajnih naloga** u iznosu od **38.400,00 KM**.

U oblasti rudarstva i geologije, inspektorat je putem rudarskih inspektora, u skladu sa Zakonom o rudarstvu, jedanput u šest mjeseci vršio obavezne inspeksijske nadzore u podzemnim (jamskim) eksploatacijama s prisustvom metana i opasnom ugljenom prašinom,

te jednom godišnje u ostalim rudarskim objektima putem rudarskih i geoloških inspektora. Izvršeni su nadzori u **9 rudnika energetske mineralne sirovine**, te **7 rudnika metalne sirovine**, **jednom rudniku soli** i **kod izvođača rudarskih i geoloških radova** u rudnicima, tunelogradnji i u izvođenju geološkog istraživanja vode. U oblasti rudarstva i geologije je izvršeno **147 inspekcijskih nadzora**, te izdato **99 rješenja** o otklanjanju nedostataka kojima je propisano ukupno **1.048 upravnih mjera**. Najviše upravnih mjera je doneseno u oblasti energetskih mineralnih sirovina, a najmanje u oblasti mineralne sirovine – soli.

U oblasti rudarstva i tunelogradnje evidentirano je **736 povreda na radu**, od kojih **59 težih i tri (3) sa smrtnim posljedicama**. Najveći broj povreda na radu evidentiran je u RMU Breza (129) i RMU Banovići (123). U odnosu na 2020. godinu, broj povreda na radu je manji za **1 (0,14%)**, dok je u odnosu na 2019. godinu broj povreda smanjen za **154 (18,94%)**.

U oblasti elektroenergetike vršene su kontrole održavanja i stanja pogonske ispravnosti i sigurnosti, obavljanja poslova projektovanja, izgradnje i rekonstrukcije, mjerenja i ispitivanja prema rješenju Federalnog ministarstva energije, rudarstva i industrije, te kontrolni i vanredni inspekcijski nadzori po službenoj dužnosti, a na inicijativu trećih lica prvenstveno vezano za izvođenje radova u zoni sigurnosti dalekovoda. Izvršeno je **205 inspekcijskih nadzora**, od kojih **170 planskih/redovnih**, **19 vanrednih** te **16 kontrolnih nadzora**. Na osnovu zatečenog stanja izdata su **124 rješenja** kojima je naloženo **276 upravnih mjera** za otklanjanje uočenih nedostataka. Također je izdato **6 prekršajnih naloga** u ukupnom iznosu od **15.400 KM**. Nisu evidentirani značajni zastoji u radu hidro i termo elektrana, a kvalitet isporučene električne energije je bio u granicama propisanih vrijednosti, bez većih prekida napajanja i poremećenih naponskih prilika.

U oblasti termoenergetike - postrojenja pod pritiskom, izvršeno je **296 pregleda/nadzora**, izdato **296 rješenja o upotrebi posude pod pritiskom**, te **1 rješenje o otklanjanju nedostataka**, u inspekcijskim nadzorima posuda pod pritiskom u toku proizvodnje, uvoza, prije stavljanja u upotrebu i u toku upotrebe posuda pod pritiskom. Federalni inspektor za posude pod pritiskom također je nadležan za vršenje inspekcijskih nadzora opreme pod pritiskom u velikim privrednim društvima od značaja za FBiH (JP EP BiH, JP EP HZ HB, ArcelorMittal d.o.o. Zenica, Natron-Hayat d.o.o. Maglaj, IGMAN d.o.o. Konjic), te u kantonima u kojima nije imenovan inspektor posuda pod pritiskom. Također su naplaćene **federalne takse u iznosu od 4440,00 KM**.

Federalni inspektori za kontrolu kvalitete tečnih naftnih goriva su izvršili **135 kontrola** i uzeli **2.717 uzoraka goriva**, od kojih **samo dva (2) uzorka** nisu odgovarala propisanim standardima, zbog čega su izdata **4 prekršajna naloga** u iznosu **11.000,00 KM**.

### **c) Federalni vodni inspektorat**

Inspektori federalnog vodnog inspektorata izvršili su **745 inspekcijskih nadzora**, donijeli **228 rješenja** o otklanjanju nedostataka i izdali **124 prekršajna naloga** u iznosu od **320.500,00 KM**.

Prioritetni cilj i tokom 2021. godine bio je sagledavanje stanja i poštivanje propisa iz oblasti voda, i to kroz formiranje baze podataka subjekata nadzora, te kontrolu dinamičkih planova i vodnih akata kroz direktni inspekcijski nadzor.



Specifični ciljevi djelovanja u prošloj godini fokusirani su na smanjenje nezakonitog korištenja, zahvatanja i ispuštanja voda, sprečavanje devastacije vodotoka, postizanje kvalitetnijeg održavanja vodnih objekata, sprečavanje nezakonitog vađenja materijala iz vodotoka i povećanje izmirivanja obaveza obračunavanja i plaćanja posebnih vodnih naknada.

Subjekti prioritetnog djelovanja vodne inspekcije bili su industrijski zagađivači, hidroenergetska postrojenja, subjekti koji zahvataju i ispuštaju veće količine vode, objekti za odbranu od poplava u vlasništvu FBiH i objekti sa prekograničnim uticajima.

Aktivnosti u vezi sa **incidentima na vodama** imali su apsolutni prioritet. Najčešće uočene nepravilnosti kod subjekata nadzora su neposjedovanje odgovarajućih vodnih akata i nepoštivanje uvjeta datih vodnim aktom. Radi unapređenja efikasnosti rada, predložene su izmjene i dopune Zakona o vodama („Službene novine FBiH“, broj 70/06), kako bi se utvrdile kaznene odredbe za prekoračenje ispuštanja otpadnih voda preko zadanih parametara.

U izvještajnom periodu izvršeno je više zajedničkih inspekcijskih nadzora s inspektorima iz drugih oblasti u okviru pojačanog nadzora, a tokom cijele godine vršeni su inspekcijski nadzori nelegalnog vađenja materijala iz vodotoka.

#### **d) Federalni veterinarski inspektorat**

U odnosu na **planiranih 576**, federalni veterinarski inspektori izvršili su **777 nadzora**, donijeli **179 rješenja o otklanjanju nedostataka**, izdali **202 prekršajna naloga** u iznosu od **376.170,00 KM**, te uzeli **75 uzoraka**.

Najveći broj nadzora (**351**) izvršen je u oblasti proizvodnje, skladištenja i prometa proizvoda životinjskog porijekla, gdje je evidentiran i najveći broj izdatih prekršajnih naloga (**142**), te u objektima za klanje životinja, obradu, preradu i uskladištenje proizvoda životinjskog porijekla, objektima za preradu i promet koža, stočnim farmama, sajmištima, tržnicama, otkupnim stanicama i dr. (**131**). Zbog neusklađenosti sa zakonom propisanim parametrima, **van prometa je stavljeno 1.232 kg proizvoda** životinjskog porijekla. Doneseno je i **17 rješenja** po članu 45. Zakona o veterinarstvu, kojima je naloženo uklanjanje 15 pčelinjih društava oboljelih od kuge pčela, 22 goveda oboljelih od bruceloze i jedan (1) od tuberkuloze, te tri (3) ovce oboljele od bruceloze.

#### **e) Federalni šumarski inspektorat**

Inspektori Federalnog šumarskog inspektorata izvršili su **426 nadzora**, donijeli **151 rješenje** sa upravnim mjerama, te izdali **27 prekršajnih** naloga u iznosu **21.101,00 KM**. Podnesene su **dvije (2) prijave** nadležnom tužilaštvu po osnovu sumnje o počinjenom krivičnom djelu iz oblasti šumarstva.

Prioritet djelovanja federalnih šumarskih inspektora bili su nadzori u oblasti rezanja drveta, kontrole sjemena i sadnog materijala, rada ćumurana i pilana u segmentu kontrole porijekla šumskih drvnih sortimenata i obezbjeđivanja valjane prateće dokumentacije, a s ciljem smanjenja nelegalnog prometa šumskih drvnih sortimenata i zaštite šuma.

U oblasti šumarstva i lovstva, izvršeno je **280** nadzora, doneseno **78** upravnih mjera i to **33** o otklanjanju nedostataka, **17 zabrana obavljanja djelatnosti** po Zakonu o sjemenu i sadnom materijalu, te **26 zabrana rada** pilana i ćumurana. Podnešeno je **17** prekršajnih naloga u vrijednosti od **16.150,00 KM**.

Federalni inspektori za zaštitu prirode poduzimali su aktivnosti na obustavljanju nelegalne gradnje unutar zaštićenog područja/nacionalnog parka te sprečavanju trgovine zaštićenim vrstama koje se nalaze na *Crvenoj listi divljih vrsta i podvrsta biljaka, životinja i gljiva*, kao i zabrane držanja autohtonih domaćih divljih vrsta životinja u zatvorenim prostorima, gdje su evidentirana 62 imaoća divljih vrsta koji su inspekcijskim djelovanjem uvedeni u zakonske okvire.

U oblasti zaštite prirode izvršeno je **146 inspekcijskih nadzora**, izdata su **73 rješenja** kojim su naložene upravne mjere i **10 prekršajnih naloga** u iznosu od **4.951,00 KM**. Također je doneseno **pet (5) rješenja o zabrani prometa** biljne vrste bez odobrenja.

#### **f) Federalni inspektorat rada**

Zbog ograničenog djelovanja federalne inspekcije rada na privredna društva i ustanove od interesa za Federaciju BiH, odnosno s većinskim državnim kapitalom, u oblasti radnih odnosa je evidentiran mali broj nepravilnosti, s obzirom da nema rada "na crno".

U 2021. godini, inspektori Federalnog inspektorata rada izvršili su ukupno **139 inspekcijskih nadzora**, donijeli **90 rješenja** o otklanjanju nedostataka, te izdali **27 prekršajnih naloga** u iznosu od **53.500,00KM**.

U oblasti radnih odnosa izvršena su **62 nadzora**, donesena **34 rješenja** o otklanjanju nedostataka, te izdato **10 prekršajnih naloga** u iznosu od **12.000,00 KM**.

U oblasti zaštite na radu, izvršeno je **77 inspekcijskih nadzora**, doneseno **56 rješenja** o otklanjanju nedostataka i izrečeno **17 prekršajnih naloga** u iznosu od **41.500,00 KM**.

Od strane kantonalnih inspekcijskih organa prijavljene su **232 povrede na radu**, od kojih **11 sa smrtnim ishodom** kao i **221 teža povreda**. U toku izvještajne godine prijavljena su **463 nova radilišta**.

Sagledavajući cjelokupno stanje u oblasti zaštite zdravlja i sigurnosti radnika na radu kod poslodavaca, ističemo da se, na području Federacije Bosne i Hercegovine tokom 2021. godine uglavnom radilo na prilagodbi i usklađivanju općeg akta poslodavca s odredbama novog *Zakona o zaštiti na radu* ("Službene novine Federacije BiH", br. 79/20) koji je poslodavcima propisao niz obaveza uključujući obavezu izrade procjene rizika, osposobljavanja radnika za rad na siguran način, osiguravanje zdravstvenih pregleda radnicima zaposlenim na određenim poslovima i ostalo što je potrebno usaglasiti sa novim podzakonskim aktima odnosno pravilnicima koji su se postepeno donosili u 2021. godini.

Naglašavamo da je pravilna zaštita na radu preduvjet svakog uspješnog radnog procesa u Federaciji BiH i bez adekvatne zaštite i svih mjera predostrožnosti koje propisuje zakon, drastično raste rizik od ozljeda, bolesti uzrokovanih radom pa čak i nezgoda sa smrtnim ishodom. Shodno tome, Federalni inspektorat rada će intenzivirati inspekcijske nadzore u

ovoj oblasti, s ciljem prevencije nesreća na radu pravilnom primjenom svih propisa zaštite na radu.

#### **g) Federalni poljoprivredni inspektorat**

Inspektori Federalnog poljoprivrednog inspektorata izvršili su **1.135 nadzora**, donijeli **78 rješenja** o otklanjanju nedostataka, te izdali **83 prekršajna naloga** u iznosu od **152.350,00 KM**.

Fokus rada inspektorata bio je provođenje inspeksijskih nadzora u okviru Zakona o novčanim podrškama u poljoprivredi i ruralnom razvoju, te kontrola poticaja i kapitalnih ulaganja po obavijestima Federalnog ministarstva poljoprivrede, vodoprivrede i šumarstva (FMPVŠ), te obavezama i zaduženjima iz zaključaka Vlade FBiH. Također, vršeni su i drugi redovni inspeksijski nadzori po meritornim materijalnim propisima iz oblasti poljoprivrede (zaštita zdravlja bilja, monitoring krompira, fito-farmaceutskih sredstava, sjemena i sadnog materijala, mineralnih đubriva, stočarstva, slatkovodnog ribarstva, poljoprivrednog zemljišta, proizvodnji vina, idr.), te dostavljani izvještaji o nadzorima po zahtjevima FMPVŠ u segmentu obaveza subjekata po osnovama upisa u Fitosanitarni registar, prometa fito-farmaceutskih sredstava, primjene Zakona o poljoprivrednom zemljištu, Zakona o slatkovodnom ribarstvu, Zakona o vinu, itd.

Uporedo, sačinjavani su posebni izvještaji prema Protokolu sa Upravom za zaštitu zdravlja bilja BiH o nadzornim aktivnostima na graničnim prijelazima i monitoring bolesti krompira. Izvršeno je **311 upravnih postupanja** u skraćenom postupku i nadzora s ciljem izdavanja rješenja za robe u prekograničnom prometu, te na osnovama istog **izdat 281 fitosanitarni certifikat za izvoz roba** iz BiH i naplaćeno **27.619,00 KM**.

Na bazi dodatnih rješenja za poslove inspeksijskog nadzora nad primjenom mjera na suzbijanju **COVID 19**, realizirano je **320 nadzora**.

#### **h) Federalni saobraćajni inspektorat**

Inspektori saobraćajnog inspektorata izvršili su **745 inspeksijskih kontrola**, donijeli **51 rješenje** o otklanjanju nedostataka, izdali **619 prekršajnih naloga** u iznosu od **459.627,00 KM**, te evidentirali **40 radnika "na crno"**. Naplaćene su naknade za ceste u iznosu **20.400,00 KM**.

U okviru navedenih nadzora, u oblasti unutrašnje i pomorske plovidbe, na vodenim površinama /Neum i Jablaničko jezero/ u toku ljetne sezone izvršeno je **87 inspeksijskih nadzora**, te izdato **45 prekršajnih naloga** u iznosu **23.400,00 KM**.

U oblasti cestovnog prometa izvršeno je **427 nadzora** na stanicama tehničkih pregleda vozila, radionicama za ispitivanje i ugradnju tahograf uređaja, u oblasti javnog prijevoza putnika i tereta, te prijevoza tereta za vlastite potrebe.

Inspeksijski nadzori također su vršeni u oblastima održavanja i rekonstrukcije magistralnih puteva, međuentitetskog prijevoza, izgradnje objekata u cestovnom pojasu, postavljanja reklamnih panoa u cestovnom pojasu i kontrole regulacije odvodnje oborinskih voda iz dijela magistralnih puteva, te nadzori nad sigurnosti željezničke infrastrukture i željezničkog

prometa, nadzori u oblasti telekomunikacija i pošta, kao i po planu redovnih inspekcijskih nadzora.

### **i) Federalni tržišni inspektorat**

Inspektorat je djelovao putem tržišne, turističko-ugostiteljske inspekcije u oblastima obrta, unutrašnje trgovine, mjeriteljstva, nadzora nad tržištem, zaštite potrošača, fiskalizacije, kontrole cijena, kvalitete proizvoda, autorskih prava, ugostiteljstva, turizma i dr., pri čemu je realizovano ukupno **2.699 nadzora**, doneseno **161 rješenje** o otklanjanju nedostataka, izdat **1.181 prekršajni nalog** u iznosu od **1.908.520,00 KM**. Uz navedeno, van prometa je stavljena roba u vrijednosti od **672.283,00 KM**.

Najveći udio nadzora (**941**) izvršen je u okviru kontrole poštivanja Zakona o unutrašnjoj trgovini, u kojim je, zbog utvrđenih nepravilnosti, izdato **427 prekršajnih naloga** u iznosu od **653.320,00KM**, te doneseno **108 upravnih mjera**, od kojih **10 rješenja o zabrani rada**. U kontroli poštivanja Zakona o fiskalnim sistemima izvršen je **921 nadzor** u ugostiteljskim objektima, trgovinama i obrtima, u okviru kojih su, zbog neizdavanja fiskalnih računa i neposjedovanja fiskalnih kasa, izdata **322 prekršajna naloga** u iznosu od **696.700,00KM**.

Od ukupnog broja nadzora, federalni turističko-ugostiteljski inspektori izvršili su **381 nadzor** u hotelima, motelima, restoranima, barovima, skijalištima i ostalim ugostiteljskim objektima, u okviru kojih su utvrđena **243 prekršaja** u iznosu od **357.600,00 KM**, te izdata **63 rješenja** o otklanjanju nedostataka i **19 rješenja o zabrani rada**.

U oblasti zaštite potrošača izvršeno je **240 nadzora**, u okviru kojih su donesena **44 rješenja** o otklanjanju nedostataka, te izdato **169 prekršajnih naloga** u iznosu od **266.500,00KM**.

Prioritet provođenja usmjerenih inspekcijskih nadzora federalnih tržišno-ugostiteljskih inspektora je postavljen je na osnove ostvarivanja i zaštite prava potrošača, povodom čega je vršeno **ciljano uzorkovanje prehrambenog proizvoda u prometu** (voćni sokovi 100%), čime je ostvaren napredak u kontroli kvaliteta ovih i sličnih proizvoda na tržištu. U tom smislu, izvršeno je **35 usmjerenih inspekcijskih nadzora** na uspostavi veće zakonitosti u dijelu poštivanja prava potrošača na poštenu trgovinu i informisanje o proizvodu u prometu, te su privremeno stavljani van prometa proizvodi sokovi sa 100% udjelom voća za koje je laboratorijskim ispitivanjem kvaliteta utvrđeno da po svom sastavu ne ispunjavaju propisane uvjete kvaliteta. Shodno tome, iz prometa je privremeno povučeno preko **100.000 proizvoda**, uz mogućnost ponovnog stavljanja proizvoda u promet pod uvjetom da se u deklaraciji otklone nedostaci i navedu podaci koji odgovaraju uvjetima kvaliteta propisanim za tu vrstu proizvoda.

Poseban značaj kod zaštite potrošača dat je reklamaciji proizvoda, koja predstavlja prvi korak zaštite potrošača, te se u praksi evidentira značajan stepen neupućenosti trgovaca u zakonske norme, zbog čega se ne koriste verifikovane, referentne i akreditovane metode s laboratorijskim analizama robe koja se reklamira. S ciljem uspostave veće zakonitosti u ovom segmentu, izvršena su **23 usmjerena inspekcijska nadzora nad radom kontrolnih kuća**, čime je u značajnoj mjeri prekinuta praksa nepravilne primjene Zakona o zaštiti potrošača u domenu reklamacija, te je u zadnjem kvartalu 2021. godine znatno smanjen broj predstavljeni po ovom osnovu.

Nadalje, izvršeno je **28 usmjerenih inspekcijskih nadzora** na uspostavi veće zakonitosti po predmetima kontrole tačnih naftnih goriva - nafte i naftnih derivata koji su vještački

knjiženi kao druga vrsta goriva i prodavani po drugoj cijeni. Konstatovano je da u svakoj fazi prometa robu ne prati vjerodostojna dokumentacija iz koje se nedvosmisleno može utvrditi porijeklo i vlasništvo robe. Kod subjekata nadzora u prometu su zatečene dvije vrste dizel goriva po različitim cijenama, a s tržišta i iz prodaje je u potpunosti povučen naftni derivat DIZEL BAS EN 590 50 ppm.

Federalni tržišni inspektorat je u 2021. godini učestvovao i u usmjerenim inspekcijskim nadzorima na suzbijanju sive ekonomije, kao i nadzorima vezano za kontrolu formiranja cijena i marži po osnovu Odluke Vlade FBiH o propisivanju mjere neposredne kontrole cijena utvrđivanjem maksimalne visine marži za pojedine životne namirnice kao i marže naftnih derivata.

#### **j) Federalni urbanističko-ekološki Inspektorat**

Pored djelovanja u segmentu incidenata u okolišu, federalni inspektori urbanističko-ekološkog inspektorata su u toku 2021. godine izvršili **1.044 inspekcijska nadzora**, donijeli **251 rješenje**, te izdali **124 prekršajna naloga** u iznosu od **329.760,00 KM**. Izvršeno je i **pečaćenje dva (2) gradilišta**, te po osnovu sumnje, podnesena **dva (2) zahtjeva** nadležnim tužilaštvima o počinjenju krivičnog djela. Također je izvršen obračun **naknada za zrak u visini od 6.897.200,41 KM**.

Prioriteti djelovanja definisani programskim ciljevima bili su hitno djelovanje u incidentnim situacijama, postupanje po podnešenim zahtjevima u propisanim rokovima s posebnim naglaskom na hitnost, djelovanje u cilju smanjenja nekontrolisane gradnje i drugih aktivnosti koje su u suprotnosti sa zakonskim odredbama iz oblasti prostornog uređenja i korištenja zemljišta na nivou Federacije BiH, te zaštite okoliša.

Specifičan cilj inspekcijskog nadzora u oblasti zaštite okoliša bila je kontrola primjene zakonskih odredbi iz oblasti zaštite okoliša, za nove i postojeće operatore i provođenje mjera za obnovu, zaštitu, očuvanje i održiv razvoj svih komponenti okoliša na području Federacije BiH u okviru federalne nadležnosti, a suština inspekcijskog nadzora u svakoj oblasti je preventivno djelovanje.

Posebni zahtjevi, odnosno slučajevi akcidentnih situacija, evidentirani su na temelju aktivnosti inspektora kod privrednog društva GIKIL d.o.o. Lukavac i obavijesti operatera Sisecam Soda Lukavac o ograničenom vremenskom trajanju povećanih emisija u zrak prilikom vanrednih situacija, kao i povremeno pojačane emisije u zrak kod operatera BSI Jajce i Arcelor Mittal Zenica, termoelektrana u Tuzli i Kaknju, BFS Kreševo i kotlovnica u Sarajevu u vlasništvu KJKP Toplane. Posebno ističemo period proglašenja epizode pripravnosti zbog zagađenja zraka u Zenici, Sarajevu i Tuzli u mjesecu januaru kada su federalni inspektori zaštite okoliša svakodnevno vršili nadzor operatera vezano za provođenje mjera iz internih operativnih planova kao i provođenje monitoringa po hitnom postupku u cilju ocjene njihovog uticaja na povećano zagađenje zraka. Po zahtjevu Federalnog ministarstva okoliša i turizma, putem ovlaštenog operatera izvršeno je i zbrinjavanje tekstilnog otpada iz Drvara, Bihaća, Busovače i Kiseljaka.

U izvještajnom periodu organizovani su zajednički inspekcijski nadzori urbanističkih, građevinskih i okolinskih inspekcija s vodom, veterinarskom i inspekcijom zaštite na radu, posude pod pritiskom, te saobraćajnom inspekcijom, koji su rezultirali efikasnijim ishodom usljed cjelovitog sagledavanja problematike u pogonima operatera. Prednost saradnje i istovremenog nadzora kod istog subjekta nadzora evidentna je kod operatera u metalskoj,

hemijskoj i ekstraktivnoj industriji te kod infrastrukturnih projekata na području Zenice, Kaknja, Tuzle, Lukavca, i Sarajeva.

### **k) Sektor granične inspekcije**

Sektor granične inspekcije djeluje na sedam (7) graničnih prelaza i četiri (4) carinske ispostave sa 48 graničnih inspektora, a putem tržišne, sanitarne i fitosanitarne inspekcije u pogledu kontrole zdravstvene ispravnosti životnih namirnica i predmeta opće upotrebe, kontrole kvaliteta proizvoda te zdravstvene ispravnosti fitoproizvoda.

U 2021. godini, izvršeno je **138.299 pregleda roba**, donijet prateći broj rješenja/uvjerenja o uvozu, uzeto **4.907 uzoraka**, naplaćeno **taksi i naknada** za pregled roba u iznosu od **4.772.356,00 KM**. Prilikom inspeksijskog pregleda dokumentacije i roba iz uvoza zabranjen je uvoz roba iz **12 pošiljki** u količini od **47.904 kg**, odnosno protivvrijednosti **127.485,70 KM** porijeklom iz Kine, Italije, Češke Republike, Turske, Izraela, Srbije, Njemačke i Austrije. Po strukturi, radi se o **sedam (7) pošiljki** životnih namirnica, **dvije (2) pošiljke** predmeta opće upotrebe i **tri (3) pošiljke** iz grupe-otrovi. Naime, laboratorijskim ispitivanjima analize i superanalize ustanovljeno je da uglavnom životne namirnice nisu odgovarale propisima o zdravstvenoj ispravnosti, čime su sljedstveno naložena uništenja pošiljki ili vraćanje istih pošiljaocu. U jednom od slučajeva (sojin izolat namijenjen za ljudsku potrošnju), detektovana je i prisutnost GMO (genetski modificiranih organizama).

U 2021. godini, u prekograničnom prometu federalni sanitarni inspektori vršili su i pojačanu kontrolu životnih namirnica, a naročito voća, mesa i mesnih prerađevina, riže, ulja, orašastih plodova, suhog voća i začina porijeklom iz EU, Južne Amerike, Indije, Indonezije, Kine, Pakistana i Malezije. Kod predmeta opće upotrebe predmet pojačane kontrole su bile dominantno dječije igračke porijekom iz Kine, u kojim su, zbog nedozvoljenog prisustva ftalata, uništene **1884** dječije lutke.

U odnosu na 2020. godinu, izvršeno je **8.532** nadzora više, a ukupan iznos uvećanja taksi i naknada za sanitarnu, tržišnu i fitosanitarnu inspekciju u odnosu na 2020. godinu iznosi **565.535,00 KM**.

**2.7. Zajednički inspeksijski nadzori** planirani su u 2021. godini kao međusobno koordinirane aktivnosti provedbe inspeksijskog nadzora sa drugim inspektoratima unutar Uprave čije se aktivnosti preklapaju po prirodi subjekta ili kategorije nadzora, a također i sa inspeksijskim organima kantona u okviru "pojačanih nadzora". Glavno usmjerenje zajedničkih inspeksijskih nadzora bilo je fokusirano je na inspeksijske kontrole provođenja higijensko-epidemioloških mjera na sprečavanju širenja infektivnog virusa COVID-19, nadzori u oblasti kontrole cijena i marži, te rada na crno u saradnji s kantonalnim inspeksijskim organima.

### **2.8. Posebni programi inspeksijskog nadzora - usmjereni inspeksijski nadzori**

Posebni programi inspeksijskog nadzora - usmjereni inspeksijski nadzori provođeni su u određenoj oblasti ili kod određenih subjekata nadzora u zavisnosti od uočene pojave i stepena nezakovitosti. U 2021. godini, poduzimane su inspeksijske aktivnosti na suzbijanju ustaljenih oblika kršenja propisa koji su prepoznati pod pojmom „sive ekonomije“ (rad „nacno“, neizdavanje fiskalnih računa, rad bez odobrenja, promet robe bez porijekla, itd.), pri čemu je izvršeno **1.678 nadzora**, te **802 zajednička nadzora** i **52 kontrolna nadzora**, izdata **472 prekršajna naloga** s finansijskim teretom od **675.790,00 KM**, doneseno **196**

rješenja o otklanjanju nedostataka, **16 rješenja o privremenoj zabrani rada** i evidentirano **128 subjekata koji ne izdaju fiskalni račun**.

### **3. KABINET DIREKTORA, OPĆI I PRAVNI POSLOVI, SEKTOR ZA ZASTUPANJE, STRUČNE EDUKACIJE I SISTEMSKE AKTIVNOSTI**

Kroz elektronsku poštu Federalne uprave za inspekcijske poslove u 2021. godini, ukupno je obrađeno/skenirano **40.477 predmeta**.

Putem automatskog telefonskog aparata zaprimljene su i dostavljene na nadležno postupanje **633 prijave građana**, dok je Kabinet direktora putem elektronske pošte zaprimio  **dodatne 723 prijave**.

2021. god.	
<b>Broj obrađenih predmeta</b>	<b>40.477</b>
<b>Broj prijava građana</b>	<b>1.356</b>
<b>Pristup informacijama</b>	<b>94</b>
<b>Pismeni medijski upiti</b>	<b>134</b>
<b>Saopćenja za javnost</b>	<b>60</b>

Tokom 2021. godine u okvirima poslova Kabineta direktora je postupano i po Zakonu o slobodi pristupa informacijama FBiH, po kojem su dostavljeni tromjesečni izvještaji Instituciji ombudsmena za ljudska prava BiH.

Realizirano je niz strateških i planskih aktivnosti za pripremu upitnika u svrhu izrade Vodiča za suzbijanje korupcije FUZIP-a u 2022. godini. Također, izvršene su pripremne aktivnosti na revidiranju Komunikacijskog plana FUZIP-a za 2022. godinu.

U smislu vođenja projekata za organizacijsko-funkcionalno unapređenje FUZIP-a, prema kriterijima ključnih prioriteta, tokom 2021. godine realizirane su aktivnosti kako slijedi:

Naziv projekta/Nosilac	Okvirna vrijednost za FUZIP/ukupna	Status
<b>1.E-uprava/USAID</b>	Min. 500.000 KM	Realizacija u toku Dostavljen vremenski plan faza implementacije za 2022. god.
<b>2.Brzi savjetodavni odgovor - Paket solidarnosti EBRD</b>	Cca. 150.000 KM	Odobren/Vlada FBiH 16.12.2021. Januar 2022.-septembar 2022.
<b>3.Pomoć BiH u poboljšanju kvaliteta zraka i upravljanju kvalitetom zraka /SEPA-SIDA</b>	102.000 KM	Realizacija u toku
<b>4. Poljoprivredna otpornost i konkurentnost / SVJETSKA BANKA</b>	2.000.000-4.000.000 KM (+kantoni)	Odobren/u proceduri
<b>5. EU podrška jačanju kapaciteta BiH u sektorima bezbjednosti hrane, veterinarstva i fitosanitarne oblasti</b>	300.000 KM (vozila) 60.000 KM (informatička oprema)	Realiziran
<b>6. PHYTO BIH/EU</b>	1.500.000,00 EUR (ukupna)	Realizacija u toku
<b>7. OSCE - Odjel za borbu protiv korupcije</b>	Nije definirano	Prihvaćena inicijativa
<b>8. SEED + projekat/CEFTA</b> <b>9. OSCE - Odjel za zaštitu okoliša</b> <b>10. FUZIP+ KUZIP KS</b>	Održan inicijalni/informativni sastanak	

U okviru projektnih aktivnosti sačinjene su informacije s prijedlogom zaključka/odluka (2) za Vladu FBiH, kao i mjesečni izvještaji (9) u okviru realizacije projekta „Pomoć BiH u poboljšanju kvaliteta zraka i upravljanje kvalitetom zraka“, a uključujući i pripreme specijaliziranih izvještaja o radu (Instituciji ombudsmena za ljudska prava BiH- 4 ), kao i koordinacija na drugim izvještajnim aktivnostima i mjerama (Kriznom štabu Federalnog ministarstva zdravstva itd.).

**Sektor za zastupanje** je u svojstvu pravnog zastupnika Federalne uprave za inspeksijske poslove u 2021. godini zaprimio i odazvao se na **763 sudska poziva za usmeni pretres** po izdatim prekršajnim nalogima po kojima su okrivljeni subjekti nadzora zatražili sudsko odlučivanje. Od ukupnog broja provedenih postupaka sudskog odlučivanja pred sudovima, sudovi su obustavili **56 postupka (7,33%)**.

Od ukupno utvrđenog iznosa prekršajnih naloga za koje je zatraženo sudsko odlučivanje, nadležni općinski sudovi su izrekli **543 novčane kazne** u ukupnom iznosu od **429.787,00 KM**, **122 uvjetne kazne** u iznosu **234.800,00 KM**, a do dana sačinjavanja ovog izvještaja sudovi nisu donijeli ukupno 36 odluka u predmetima u kojima su održani usmeni pretresi. I dalje je prisutna veoma blaga kaznena politika, što je rezultat općeg lošeg materijalnog stanja u društvu, te posebno aktuelne pandemije koronavirusa i umanjenog obima poslovanja privrednih subjekata, što i sudovi često navode kao razlog blage kaznene politike. Sektor za zastupanje je tokom 2021. godine podnio je **42 žalbe** na odluku o prekršajnoj sankciji.

Od stupanja na snagu novog Zakona o prekršajima pokrenuto je preko **1.800 postupaka prinudne naplate** neplaćenih prekršajnih naloga za koje je prijetila opasnost od nastupanja zastare izvršenja, te je prinudnim putem u 2021. godine naplaćeno **370 prekršajnih naloga** u ukupnoj vrijednosti od **255.440,47 KM**.

Također je podneseno **150 zahtjeva** za pokretanje prekršajnih postupaka protiv osoba koje su kršile obaveze iz rješenja o izolaciji izdatih od strane federalnih inspektora. Do sada je postupak pred sudovima okončan u **51 predmetu**, u iznosu od **11.250, 00 KM**. Raspon izrečenih kazni koje su sudovi izricali po ovom osnovu je **100,00 KM do 500,00 KM**.

Zaprimljeno je **117 žalbi** na rješenja kantonalnih inspektora i inspektora sa drugih nivoa, donesenih u primjeni federalnih i državnih propisa.

#### **4. Podrška Vladi Federacije BiH u pogledu provedbe odluka i zaključaka i davanje odgovora na zastupnička/delegatska pitanja**

U 2021. godini realizovane su sve pristigle odluke Vlade FBiH, od ukupno 28 zaključaka Vlade FBiH realizovana su 24, dok je u toku realizacija preostala 4 zaključka čiji je rok izvršenja dugoročnije prirode. U zakonskom roku je odgovoreno na ukupno 32 pristigla zastupnička pitanja.

REALIZOVANE ODLUKE I ZAKLJUČCI VLADE FBiH	2021.	
	ODLUKE	ZAKLJUČCI
	15	Realizovano 24 U toku realizacije 4



Sve međunarodne obavijesti EU RASFF (sistem brzog uzbunjivanja), INFOSAN, RAPEX koje zaprimi FUZIP, kao i druge obavijesti nadležnih Agencija FUZIP redovno prati i ažurno postupa po istim.

Kada je u pitanju izvršenje obaveza po Upitniku Evropske komisije, FUZIP je u zadatom roku putem svog internog tijela odgovorio na sva pitanja za koje je bio zadužen.

U okviru borbe protiv korupcije, FUZIP je pristupila provođenju istraživanja kod inspekcijskih organa u FBiH kako bi pripremila Vodič za suzbijanje korupcije FUZIP kao dodatni interni mehanizam za jačanje svijesti o štetnosti pojave korupcije.

## **5. Stručno obrazovanje i usavršavanje inspektora i drugih uposlenika Federalne uprave za inspekcijske poslove**

U 2021. godini obavljene su ukupno **134 edukacije** i to: 20 eksternih edukacija inspektora vezanih za primjenu EU propisa u prekograničnom prometu roba (fitosanitarna, tržna i sanitarna granična inspekcija), te 114 edukacija inspektora unutrašnje kontrole i ostalih uposlenika Uprave.

U smislu opredjeljenja za profesionalni razvoj i kreiranje ambijenta evolutivnog rasta „učee“ organizacije, broj stručnih edukacija kojim su prisustvovali uposlenici Federalne uprave za inspekcijske poslove u odnosu na prethodne godine je veći za cca. 40%, što prati i tendencija rasta u nastavku formalnog obrazovanja uposlenika Uprave.

---

<b>Ukupan broj održanih stručnih edukacija</b>	<b>134</b>
--	------------

<b>Vrsta i oblast stručne edukacije uposlenika</b>	<b>20 eksternih edukacija</b> vezana za primjenu propisa EU u prekograničnom prometu roba
	<b>114 edukacija</b> inspektora unutrašnje kontrole i ostalih uposlenika Uprave